

Saltem abhinc eruditior esto &c. Extat Opusculum istud in edit. *Venetae* T. IV. a p. 236. divisum in *Libros* II. quorum I. *Capita* 19. II. vero *Capita* 9. numerat; nobis vero in universum *Capitibus* tantum 18. definitur, variaque et quidem statim sub principium continet, quae in editis desiderantur. Ita inter C. 1. et 2. impressorum interjacet locus 35. *linearum*, qui incipit: *Proficiscor enim in viam uniuersae carnis &c.* et finit: *protinus a somno euigilaui.* E contrario versus finem varia nobis desunt, quae in edit. *supracit.* leguntur. Ut adeo Codex noster nequaquam negligendus sit illi, qui de nova aliquando *Ruperti* editione cogitauerit. Confer et *Cod. CXCIX.*

III. et quidem a fol. 111. adjicitur *Bedaes Presb. Scriptoris* Sec. VIII. *Liber XXX. Quaestionum in Libb. Regum* hoc rubro: *Incipit epistola uenerabilis bede presbyteri ad nothelmum de quibusdam questionibus quas exponit in libro Regum. Dilectissimo fratri Nothelmo. beda salutem. Quae de libro regum dilucidanda mihi frater dilectissime misisti &c.* Succedit *Index* 30. Textuum, qui exponuntur; tum rursus rubro: *Incipiunt Quaestiones XXX de libro Regum uenerabilis bede presbyteri. Quod ait propheta ad belli loquens ex persona dei &c.* Finis: *intrate in gaudium domini dei nostri.* Extat hic *Tractatus* inter *Opera Bedae edita Coloniae Agripp.* 1688. T. IV. p. 333. f. non sine quadam expressionum varietate.

Codex membraneus lat. Sec. 357 XII. Folior. 92. f. perquam nitide et luculente exaratus *Corpus* est quoddam *Doctrinae Christianae* e PP. dictis conflatum et in *Partes* VII. tributum, quarum hi sunt *Tituli*: *Prima Pars continet de Patre et Filio. De angelis. De adam. de fide antiquorum. de prophetis. de apostolis.* Secunda *de intellectu scripturarum. de diapsalmate. de obelo et asterisco. de diuitibus.* Tertia *de sacrificiis paganorum et nostris. de baptismo. de uiuentibus ex oblationibus.* Quarta *de incommodis quae propter peccata eueniunt. de ipsis peccatis. de iuribus iurandis. de testimoniis. mendaciis. furtis. negotiationibus. de auaritia. usura. quae liceant quae non. de honesto et inhonesto opere. De confessione. de remissione. de quibusdam mundanis.* Quinta *de potestate ligandi et soluendi. de pastoribus et doctoribus. de ordinatione. de doctrina domestica. de hereticis. de excommunicatione. qui tolerandi sint. qui non. de synagoga et hebreis. de ecclesia et ecclesiasticis.* Sexta *de cruce. de tempore paschali. de orationibus. de elemosinis. de militia. de dominis et seruis. de matrimonio. quod apostoli habuerint uxores.* Septima *de restauratione angelorum et hominum. de diabolo. de antichristo. de ultimo iudicio. de resurrectione. de gebenna. de igne ante iudicium et post.* Vides majore ordine et nexu res tractari potuisse. Singulae porro *Partes* in magnum *Capitulorum*

pitulorum numerum abeunt, quorum *Elenchus* continuo subiectus est. Plerumque unicus unius Patris locus *Capitulum* censetur. Patres vero, quos folers Coenobita autor defloravit, hi sunt: *Iohannes Chrys.* *Beda*, *Hieronymus*, *Cassiodorus*, *Augustinus*, *Gregorius M.* *Haimo*, *Maximus*, *Origenes*, *Ambrosius*, *Isidorus Hisp.* quo ultimo simplici vice P. V. c. 62. de tonsura ecclesiastica utitur. *Partis I.* initium est: *Pater iste familias homo dicitur similitudine non ueritate &c.* Finis Operis: *Cuncta tamen per caritatem singulorum sunt. Explicit Liber.*

II. fol. 83. Incipiunt *Excerpta* promiscua ex *Augustini* Epistolis et quidem: *Augustinus uolusiano in ea epistola. Legi litteras tuas in quibus uidi magni cuiusdam dialogi specimen &c.* Adhaeret locus *Hieronymi in Sophoniam*, *Augustini in libro de Sacramentis*, *Cypriani in Epistola de marziale et basilide ad felicem presbiterum*, quibus litera quadr. subscriptum: *Scribenti Salus. Legenti Vita Eterna. Amen.* Dubium haud est, in disiectis his PP. membris plura reperiri, quae ad constabiliendam genuinam lectionem conferrent.

Pag. ult. manu *Codici* coeua legitur haec Donatio: *Huius traditionis testimonium percipiat ecclesia fidelium quod miles quidam Timo nomine cum coniuge sua Tuota de Reginoldisbach quoddam mancipium Uocabulo Perbtoldum super altare S. Georgii tradidit ut*

censum. V. denariorum annuatim persoluens. fratribus ibi deo seruientibus sub hac ditione deseruiat. Huius rei testes sunt. Wolfolt de Teraz. Purchardus. Ruodolfus. Wilant de Diupbusin. Reginpreht. Ex Altari S. Georgii concludo Traditionem hanc et ipsum Codicem olim pertinuisse ad Coenobium Weltenburgense O. S. B. in Bajoaria. Adi, si lubet, Cod. L. Ambiant illum utrinque Sec. faltem XII. scriptae Membranae partem L. III. et IV. Georgicorum Virgilii complexae, textu, quatenus aevum pepercit, admodum emendato.

CCCXI.

Codex partim membraneus ²⁸² partim chartaceus lat. Sec. XV. Folior. 295. f. per. duas columnas non eadem manu exaratus complectitur *Ulrici Engelberti de Argentina* Clari in O. P. Viri, *Teutoniae*que, ut vocant, Provincialis, qui exinde *Parissios* ad profitendas literas accitus diem clausit anno 1277. *Summam* seu opus vastum de *Summo Bono*, sex alias libris constans, quorum tamen hic non nisi primi quatuor, quarto etiam 'mutilo, habentur; id quod innuit *Nota Codici* praefixa: *Ulrici primus secundus tercius completi et quartus incompletus, XXI sexterni 1458.* Titulus est: *Incipit liber de summo bono, cuius primus liber est de laude sacre scripture &c.* Initium Operis: *Diuinum nobis per organum sapientie resultat oraculum &c.*